

Fesoasoani mo oe i lenei faigapalota

- O lo’o lisiina sui tauvā i le pepa palota i lalo o le Faigapalota o lo’o fai ai i latou ma sui.
- Ua matou fa’ailogaina i lanu pepa palota ma o le tusi o talaaga o tagata palota e fesoasoani ai ia te oe e fa’atutusa faigapalota ma talaaga o tagata palota.
- Atonu e iai i lenei tama’itusi isi faigapalota e lē apalai ia te oe.

O sui tauvā manumalo e latou te faia ni fa’ai’uga e a’afia ai tatou uma i aso uma.

O le a e mauaina uma po’o isi o tulaga nei i lau pepa palota:

- **O le Pulenu’u** o ia o le ta’ita’i o le A’ai po’o le Itumalō.
- **O le Pulega o le A’ai po’o le Itumalō** e latou te saunia le tele o auunaga eseese fa’apea fale e fa’aaoga mo tagata o lo’o ālāla i nei a’ai. O nei Pulega e latou te faia fa’ai’uga e fa’aleleia ai le tulaga o le olaga e aofia ai ma auunaga tāua (mo se fa’ata’ita’iga o le vai, o alapaipa e fa’aalu ai otaota o tagata, o auala), o tulafona a pitonu’u, o fale e fa’aaoga mo tafaoga ma fa’amalositino, o paka, mataupu e ono tula’i mai e fa’ataatau i fuafuaga ma faugafale. E ono filifilia e le Pulega se tasi e fai ma sui o se vaega atoa pe vaevae i uarota (e aofia ai le lautele po’o tagata Māori).
- **O le Pulega a le Vaipanoa** e latou te faia fa’ai’uga o auunaga faatino e pito sili ona lelei, e talaeagai faavaipanoa e pei o le puleaina o puna’oa fa’alenatura (mo se fa’ata’ita’iga o le lelei o le tulaga o le vai, o le fa’asoasoaina o le vai, fanua ma eleele, fuafuaina o mataupu tau gataifale, o le puleaina o laau ma manu nini’i fa’alafuā), o mataupu tau femalaga’iga i le vaipanoa, ma le Vaega mo le Puipuiga Lautele ma fesoasoani i taimi o fa’alavelave fa’afuase’i. O Pulega Auaufa’atasi, e latou te fa’ataunu’uina matafaioi o le Pulega o A’ai po’o Pulega a le Itumalō ma le Pulega a le Vaipanoa. (atonu e mo le lautele po’o tagata Māori).
- **O Komiti Fa’afoe a Pitonu’u** e latou te saunia le ta’ita’iga ina ia fa’aupegaina ai tagata o lo’o ālāla ai, atonu e latou te faia fo’i ni fa’ai’uga e fa’ataatau i ni mataupu a le pitonu’u pe fautuaina le auala e ao ona fa’aalu ai tupe i auunaga a le pitonu’u. E mafai ona vaevaeina Komiti Fa’afoe a Pitonu’u ini vaega.
- **O Fa’alapotopotoga mo le Laiseneina** ua fa’avaeina mo le fa’atauina o le ‘ava malosi i se auala talafeagai e ala i fale ‘ava malosi i totonu o le pitonu’u a le fa’alapotopotoga ma e latou te filifilia fo’i pe e fa’apefea ona toe fa’afuase’i le polofiti ma tupe fa’asili e maua mo tagata e nonofo i lena pitonu’u. O Fa’alapotopotoga Fa’avaeina i A’ai ma isi Fa’alapotopotoga e latou te lagolagona galuega tauofo. E mafai ona vaevaeina Fa’alapotopotoga mo le Laiseneina i uarota.
- **O Palota Fa’ata’ita’i po’o Palota e fa’aalia ai le manatu o le pitonu’u** e mafai fo’i ona iai i lau pepa palota. O lau palota o le a fesoasoani le Pulega ina ia faia ni filifiliga i mataupu o lo’o iloiloina.

Aso taua mo lenei faigapalota



Lafo

Lau pepa palota i totonu o le teutusi e leai se totagi e le’i o’o i le **Aso Lua, 4 Oketopa 2022**

PE

Ave i le tuatusi o lo’o ta’ua i le pepa palota ina ia o’o mai i le ta’ita’i o faigapalota e **le’i tapunia le faigapalota**

E tāpunia le faia o palota

12 Aoauli, Aso To’ona’i, 8 Oketopa 2022

E te mana’omia nisi fesoasoani? E mafai ona e fesili i se isi tagata e fesoasoani i le makaina o lau pepa pe afai e lē lelei lau vaai po’o lau faitau pe e faigata ia oe le fa’aperetania. Afai e te lē o mautinoa i le mea e fai, pe ua sese se mea ua fai ua lē mafai ai ona e fa’asa’oina lelei, fa’afeso’ota’i le ta’ita’i o faigapalota i le numera o lo’o iai i luga o le pepa palota.